

Prome minister riba retiro di Otmar Oduber:

‘Mi no ta un tipo di lider pa termina cos mesora’

ORANJESTAD - Prome Minister Mike Eman a duna su banda di medaya riba e situacion culminando na e retiro di Otmar Oduber. Minister Eman ta admiti cu desde januari caba e situacion tabata basta turbulento, pero cu e no ta e tipo di lider pa termina cos mesora’.

“Mi ta kere e hecho cu nos por a bay 10 luna mas cu su persona bao di e condicionnan cu nos coleganan minister a expresa caba na januari y februari, kico nan tabata sinti pa cu continua cu ne, mi ta kere Sr. Oduber mester ta hopi contento cu mi liderazgo. Pasobra pa mi coleganan, e punto mester a wordo poni for di januari.”

E relacion entre colega Otmar Oduber cu hopi di e coleganan den Gabinete Eman II no tabata mucho bon e ultimo lunanan aki, e ta bisa. El a haci un esfuerso grandi pa purba di remedia e situacion cual no tabata muestra di mehora. “A pesar di tur esfuerso cu a wordo haci, a resulta cu tabata hopi dificil na cierto momento pa haci e personalidatnan aki funciona y sincronisa bek cu otro den un forma cu esaki lo tin resultado positivo pa tur hende.”

Un di e puntonan cu sr. Oduber a trece pa dilanti ta cu sr. Eman tabata tin un falta di liderazgo en cuanto ta tuma



decisionnan. Sr. Oduber ta indica cu e prome minister na dado momento no tabata duna oido. Sr. Eman ta enfatisa cu ta hopi reto tin anto esakinan no mester wordo hiba pafo sino mas den un ambiente interno. “Esaki ta

monstra malo. Esey ta algo cu ta sagrado, a pesar cu bo ta bisa cu bo kier pa cos bay mas lihe aki of aya, e ta bo punto di bista. Pero e mester ta parti di e sala aki y no algo pa trece den forma cu ta pone henter e calidad y ambiente di tra-



estilo di hiba un maneho pa semper tene un grado grandi di lealtad hasta ora cu kisas bo tin un punto di bista diferente, pa no pone un colega

bao bao di un presion cu ta bira hopi dificil pa funciona.”

Candidato pa reemplaza Oduber

Aunke prome minister Eman no a divulga ken exactamente ta bay reemplaza sr. Oduber pa e funcion di minister di Turismo, Transporte & Cultura, e ta indica cu ya tin candidato pa esaki como tambe pa funcion di minister Plenipotenciario. E ta admiti cu ta trata di dos candidato hoben bao di 40 aña di cual ambos lo bira ‘vakminister’. Lo por divulga e nombrenan den prensa na momento cu nan pasa e proceso di screenmento. “Tur organisacion ta conoce momento cu sea pa motibo di diferencia di opinion of simplemente hende cu ta yega na terminacion di nan carera cu bo tin cu yena e vacaturanan aki. Partido AVP mi ta kere porta mas cu otro partido na Aruba, tin hendenan prepara pa ‘step up to the plate.’

Puntonan di conflicto

“Cada bes sinembargo tabata resulta cu cosnan entre ministernan no tabata cana manera cu bo ta spera y esey a haci sinembargo cu e meta cu mi tabata tin pa mira si por a trece colega Otmar Oduber bek den e team, finalmente a resulta di no ta factibel.” Segun prome minister e retiro di Sr. Oduber a bin via di acumulacion di varios cos. E retiro aki no tabata un sorpresa ya cu e situacion entre sr. Oduber y demas colega tabata tenso pa basta tempo caba. Parlamento Presidente di parlamento

Mervin Wyatt Ras ta bisa cu di tur fraccion ningun tabata contra e decision di e retiro aki di cual a wordo conclui den e reunion pidi pa gobernador Fredis Refunjol. Esaki a base di ley di constitucion. E meta tras di e reunion aki tabata pa parlamento comparti su pensamiento riba e retiro di Otmar Oduber pa asina esaki wordo implementa. E reunion aki a tuma luga den Comision Central y no den un reunion publico.

Fraccion di MEP a pidi tambe pa un reunion publico pa debati e riba e motibonan y puntonan di conflicto di e retiro aki.

“Mi ta haya tiki straño cu fraccion MEP a pidi e debati akinan pasobra cu e proceso ta dicta cu naturalmente mester bin un reunion den Comision Central. Esaki eigenlijk tambe ta un reunion publico, e no ta wordo transmiti pero e ta un reunion cu bo mag drenta den sala y wak e. Esey ta e procedura cu ta wordo hiba,” presidente Wyatt Ras ta bisa Bon Dia Aruba. Lider di MEP Evelyn Wever Croes ta comenta cu: “Ora ami como parlamentario pidi un reunion publico firma hunto cu dos colega di mi, mi no ta kere cu tin un hende akinan cu por nenga esaki. Pasobra Reglamento di Ordo ta bisa cla y raspa cu den 30 dia bo tin cu yam’e. Cu bo ta di acuerdo cu ne of no, esey ta bo asunto. Pero bo no por bin bisa mi cu e no ta usual.” □